

明致和堂刻本六幻西廂記

十一

南西廂記

唐元相微之。蘊抱情癖。假張生以自宣。宋王性之辨之詳矣。自侯鯖錄記時賢所著詞曲。而優戲之源始開。逮金董解元。演爲西廂記。元初盛行。顧當時專尚小令。率一二闕。卽改別宮。至都事王實甫。易爲套數。本朝周憲王。又加賞花時於首。可謂盡善盡美。真能道人意中事者。固非後世學士所敢輕議。而可改作爲哉。迨後李日華。取實甫之語。翻爲南曲。而措詞命意之妙。幾失之矣。予自退休之日。始綴此編。固不敢媲美前哲。然較之生吞活剝者。自謂差見一班。若夫

正人君子。責我以桑間濮上之音。燕女溺志者。予則不敢辭。雖然。予倦遊矣。老且無用。不籍是以陶寫凡慮。何由遣日。況嘲風弄月。又吾儕常事哉。微之唐名士也。首惡之名。彼且蒙之。予亦薄乎云爾。書此不覺一笑。呼童子歌吾曲。以進酒。清癡叟陸采天池自序。

陸西廂目次

上本

提綱

別杜

遣鄭

秋閨

旅晤

遇艷

投禪

賡句

附齋

嘯聚

閨情

遘難

請援

解圍

邀謝

負盟

衍譚

寫怨

傳書

下本

省簡

初期

踰垣

寄方

饒舌

重訂

赴約

就歡

說合

傷離

入夢

擢第

報捷

設詭

緘回

再負

榮歸

完聚

附

園林午夢

陸天池南西廂記上

第一折提綱

南鄉子

木上云

吳苑秀山川。孕出詞人自不凡。把筆戲

書雲錦爛。堪觀。光炤空濛五色間。○天意困儒冠。且
捲經綸卧碧山。那箇榮華傳萬載。徒然。做隻詞兒儘
意頑。

臨江仙。千古西廂推實甫。煙花隊裡神仙。是誰翻改
污瑤編。詞源全剽竊。氣脉欠相連。○試看吳機新織
錦。別生花樣天然。從今南北並流傳。引他嬌女蕩。惹
得老夫顛。

燭影搖紅。年少張郎。梵宮瞥見嬌鶯面。隔牆聯句送春心。佛會情撩亂。強寇無端廝犯。請雄師。剪除危難。東君負約。兄妹通稱。不諧繾綣。○兩地癡迷。琴邊月下牽愁怨。紅娘遞簡暗成交。結遂鴛鴦願。老母知情婚絆。別嬌。春闈高選。讒人巧計。假信生疑。故人方便。

賴婚姻夫人生出是非場

說風情紅娘引得燕鶯狂

聽幽琴崔氏兩寄有情詩

結佳期張生一舉探花郎

第二折別杜

破陣子

生上

虎帳乍談兵畧。文場又促金羈。霜到蒹

葭添愁思。鴈和清猿動別悲。徘徊不忍離。

朝中措簪

無承。半世困遺經。雄賦未投明主。新詩浪得浮名。獨
揣焦尾。聊停畫轂。彈缺故人庭。何日鸞鳳叶慶。九霄
得意和鳴。張琪表字君瑞。本貫西雒人氏。先君官拜
禮部尚書。不幸父母雙亡。飄零數載。今遇故人杜確
元帥。鎮守蒲關。乃幼年八拜之交。小生西上長安赴
試。順便相訪。欸留數月。不覺科場近也。昨日分付琴
童收拾行李。宗備了麼。西江月。淨上云。三管雲山北
向。二陵風雨東來。深秋景物最堪哀。況是客鄉悲慨。
生云。開把琴書整理。便將車馬安排。合笑辭故友上
秦臺。一躍龍門情快。淨云。告官人。行李完備了。生云。
請元帥拜辭。淨云。元帥來也。

齊天樂

外上

昨來把劒辭明主。佩虎符作鎮蒲畿。玉

帳盡清牙旗風勁。又動平生壯氣。擬踏破賀蘭。生縛

名王。方酬素志。

生接

暫向黃花。浩歌尊酒。話心知。

生揖鴈

天 生云

留滯周南。春復秋。西風霜滿黑貂裘。外云功

名未上。凌煙閣。志氣平吞瀚海頭。生云山淡淡。水悠悠。

悠。客鄉風物動離愁。合相逢正是茱萸節。且折寒花

醉玉樓。外云賢弟。今日重陽佳節。正好登高。怎生說

出離愁兩字。莫非管待不周。故有去意。生云小生感

司司厚意。實欲久留。爭奈來春貞元皇帝大比之年。

須赴科場。不得不去。外云賢弟功名之事。下官不敢

曲留。再住幾日。如何。生云行裝已備。今晚就行。外云

左右將酒過來。淨末云勸君更盡一杯酒。西出陽關

無故人。酒在此。生云小生借尊酒。先奉哥哥一杯。外

云有勞

賢弟

賢弟

玉芙蓉

生唱

飄零湖海姿。蹭蹬雲霓志。見窮途伯樂。怎

不悲嘶。正待聯牀緼話平生事。却又彈劍重歌行路

詞合 休怨憶。管來春重會。看男兒笑驅駟馬下皇畿。

酒外回

〔二〕外唱 十年筆硯情。萬里追尋意。向天涯邂逅握手談。

詩你 獨攜玉劒輕拋去。我 醉折黃花不忍辭。合 休怨

憶。管來春重會。看男兒笑驅駟馬下皇畿。

〔三〕末唱 金戈閃日明。鐵馬嘶風急。看轅門景物。事事淒

其。先 關河此去須珍重。相 書札頻傳莫放稀。合 休怨

憶。管來春重會。看男兒笑驅駟馬下皇畿。

〔四〕淨唱 疎林日漸低。遠道人休滯。論人生會合。怎無離

異。官 早攜長策干明主。元 好放離觴別故知。合 休怨

憶管來春重會。看男兒笑驅駟馬下皇畿。

朱奴兒

生唱

歎雲霄。未堪准擬。怕風塵。蹉跎遊子。

外唱萬

里前程自奮飛。努力奪錦榮歸。

合

蒲關青草。十里綵

旗。共接取探花使。

長安此去欲何依

回首川長共落暉

盡說陳琳工奏記

不妨從此躡丹梯

第三折遣鄭

東風第一枝

老旦上唱

遠水雲埋。遙山霧阻。傷心客路艱

難

淨唱

禪林旅況蕭條。西風車馬平安。

貼唱

幽棲未穩。還

憶着金谷清閒

合

莫提他舊日繁華。教人轉覺心酸。

老旦云金屋銀屏又隔年。亂蛩衰草掩禪關。貼云瘡宮寂寂空蛛網。古木深深哭斷蟬。淨云樂事已將哀事變。去程應倍過程難。合家山回首雲千里。倚遍朱欄淚不乾。老旦云老身相國崔珏之妻。曾受越國夫人之號。不幸相國棄世。與姪兒鄭恒扶柩歸葬。奈路途艱阻。權住普救寺西廂下。鄭恒。你在此沒事。先回看了家當。待明年春半。我和小姐自奉靈柩回來。淨苦云姑娘。我三千里路。來接姑夫靈柩。指望與鶯鶯做親。你爲何先教俺回去。老旦云這畜生。你姑夫服制未滿。住城未卜。你且回去。再待三年。淨云皇天。便上了手。鈕腳鐐。長解短遞。我也不回去。務要老婆。貼云。老夫人鈞旨。怎的不依。淨云姑娘。若不捨得鶯鶯。先把這丫頭送我。一路上救急。老旦云胡說。快回去。淨哭科。我的鶯鶯心肝呵。苦也苦。幾時得到博陵府。三千里路急饒人。一箇老婆不到我。

【擗拍】

老旦唱

論婚姻早諧是便。奈服制教人怎謾。此行

知伊不滿。此行知伊不滿。客路風霜。早晚加餐。故里

田園好爲周全

合

辭別去。逕往鄉關。松月冷。谷風寒。

〔二〕

淨唱

奉靈輦。艱辛萬千。想佳期。心腸掛牽。此行指望

結歡。此行指望結歡。

呵 姑娘

平地無風。生出波瀾。

鶯鶯羅

帳間眠。

我

鞍馬孤單。

合

辭別去。逕往鄉關。松月冷。谷

風寒。

〔三〕

貼唱

論丈夫。功名志堅。爲妻房。何必痛酸。

哥哥

你途中

心放寬。你途中心放寬。不怕無柴。留得青山。莫怪花

遲。有日春還。

合

辭別去。逕往鄉關。松月冷。谷風寒。

〔四〕

淨唱

我從來知他貌妍。一路中熬得腿酸。今朝又枉

然。今朝又枉然。

姑娘

不與我鶯鶯。敗盡你的田園。

紅

不

相伴哥哥。我賣你在西番。合辭別去。逕往鄉關。松月冷。谷風寒。

一撮掉

老旦怒唱

安心去。休得恃頑。你不依。我與他門結

姻聯

淨拜唱

駭殺俺。今番不敢胡言

合

但只願家緣好。

程途又平善。同扶柩。歸葬得牛眠。

身愧衰顏對玉難

碧霄無路却泥蟠

洞庭春色思公子

鄉國遙臨白日邊

第四折秋閨

逍遙樂

旦上唱

獨宿招提景。月滿疎簾散清影。羈人懷

土夢難成。蛩吟恨砌。露滴哀桐。秋老愁城

霜風摧古松。女蘿失

其主。老鳳去丹山。孤雛不能舉。物類有所憑。況彼閨中女。妾本五侯家。少小長羅綺。一旦失慈父。漂泊河之滸。朽骨縈網絲。玄旒掩秋雨。哀哀餘寡親。力弱值途阻。回首昔年榮。雲天渺何許。獨把瑤瑟彈。冷冷泛宮羽。請爲思歸吟。幽咽不成語。欲因晨風翔。送我返鄉宇。妾乃崔相之女。小字鶯鶯。因路途兵阻。停柩在寺。今日暮秋天氣。好生傷感人也。

十二時

貼上唱

月轉梧桐井。想斗帳佳人未醒。

呀。姐

兀

坐殘燈。獨倚繡屏。此際不眠。爲誰思省。旦我有滿懷

悲耿

貼云姐姐爲甚惹早晚不睡。獨坐含顰。想是爲鄭官兒去了。旦云紅娘說那裡話。骨肉傷心。干

戈滿眼。父親靈柩不得回葬。寓居蕭寺。何日是了。因此嗟歎不已。貼云姐姐。休要煩惱。想不久便回。

黃鶯兒

旦唱

落葉滿寒城。掩香閨細雨零。等閒醞釀出

悲秋病。骨肉如曉星。身世似水萍。路迷何處尋鄉井。

合淚偷傾。回思富貴。迢遞隔宸京。

二唱貼往事恨難平。展眉尖。莫愴情。怕花嬌。不耐西風。

勁。北堂又鬢星。無事也。病增。怎禁伊。把閒愁。引動他。思歸興。合淚偷傾。回思富貴。迢遞隔宸京。

簇御林。旦唱花纔放。鴈又鳴。寓禪房。月屢更。時乖不見。

兵戈靜。怎能殼遠扶。香骨埋靈境。合告神明。甚時安。

妥。重整頓舊家聲。

二貼唱歌鍾地。絃管停。想秋來。碧蘚生。舊家飛燕。又向。

誰門屏。只留得黃花。相伴人孤另。合告神明。甚時安。

妥。重整頓舊家聲。

念舊獨含情

寬心待世清

興衰有常理

不必問君平

第五折旅晤

大河蟹

淨上唱

不忍輕拋掌中人。潛自往蒲城。食到口

頭難得吃。熬得我眼睛昏。沒投奔

小子名爲鄭猴極愛酒貪花第一。近

來丈人身亡。聽得鶯鶯國色。星夜趕到京中。指望乘
凶了畢。走得脚板趾頭酸。望得眼睛烏珠出。三百六
十根骨節。根根盡疼。三萬六千口啜氣。口口吃力。不
論拖泥帶水。那管風高月黑。枉自百般受苦。到頭老
婆不得。叵耐姑娘作喬。教我先回看宅。昨晚槌胸出
門。今朝含淚告佛。牢把山門守定。不許和尚做賊。昨
夜得其一夢。夢見鶯鶯如糖似蜜。臨了與我方綾
帕。覺來香氣勃勃。却原來自家的裊襠。上面許多尿
迹。好悶好悶。老婆不能勾了。且尋箇酒店。買三杯醉
他娘。小二哥那里丑上云神仙留玉佩。卿相解金貂。